

UGOVOR O JAVNOJ NABAVCI – USLUGE

Ugovorne strane:

1. **KJKP „Vodovod i Kanalizacija“ d.o.o. Sarajevo**, ul. Jaroslava Černija br. 8., Sarajevo, koga zastupa v.d. direktor Enver Hadžiahmetović, dipl.ing.maš. (u daljem tekstu: **Naručilac usluga**) i
2. **“PRO TEAM“ d.o.o. Sarajevo**, ul. Dr. Silve Rizvanbegović broj 24 b, Ilidža, Sarajevo, koga zastupa direktor Maja Pločo, dr.sc. (u daljem tekstu: **Pružalac usluga**).

Član 1.

Predmet ovog ugovora je pružanje usluga: **„Ispitivanja vatrodojavnih instalacija i centrale – STUP“** (pozicija br. 361. iz Plana nabavke za 2019 godinu), a sve prema tenderskoj dokumentaciji br. **KZ 79/19** i usvojenoj ponudi broj: **P-19-06-7/19 od 19.06.2019. godine** koja je sastavni dio ovog ugovora.

Član 2.

Ukupna vrijednost usluga iz člana 1. ovog ugovora bez uključenog PDV-a iznosi: **5.993,00 KM** (slovima: pethiljadadevetstotinadevedesetri KM).

Ukupna vrijednost usluga iz člana 1. ovog ugovora sa uključenim PDV-om iznosi: **7.011,81 KM** (slovima: sedamhiljadajedanaest i 81/100 KM).

Ugovorena cijena je fiksna i ne podliježe bilo kojim izmjenama.

Član 3.

Pružalac usluga se obavezuje da usluge koje su predmet ovog ugovora izvrši prema uslovima iz tenderske dokumentacije i prihvaćene ponude.

Član 4.

Pružalac usluga se obavezuje da predmetne usluge izvrši u poslovnim prostorijama naručioca usluga i to sukcesivno u toku 24 mjeseca. I ispitivanje počinje po potpisivanju ugovora nakon ispostavljanja narudžbenice, a II ispitivanje počinje nakon 6 mjeseci od izvršenja I ispitivanja za prvu godinu trajanja ugovora, dok će se III i IV ispitivanje realizovati u narednih 12 mjeseci (svakih 6 mjeseci). U slučaju kvara Pružalac usluga je obavezan izaći na teren u roku od najviše 8 sati po pozivu u radnom vremenu, a svaki kvar otkloniti u roku od najviše 24 sata po izlasku na teren. Za svaku intervenciju i obavljeni servis Pružalac usluga je obavezan sačiniti radni nalog sa precizno definisanim opisom usluge i eventualno utrošenim materijalom i obavezno dostaviti predstavniku KJKP „Vodovod i Kanalizacija“ d.o.o. Sarajevo kontakt telefon dežurnog servisera za prijavu kvara.

Član 5.

Pružalac usluga je u fakturi dužan iskazati jedinične cijene ispitivanja protivpožarne opreme, a u slučaju kvara je dužan iskazati jedinične cijene iz specifikacije rezervnih dijelova koje čine sastavni dio usvojene ponude. Pružalac usluga je dužan obezbjediti vlastiti prevoz i povratak za ispitivanje protivpožarne opreme, kao i u slučaju kvara. Za svaku intervenciju i obavljeni servis sačiniti odgovarajući zapisnik i dostaviti izještaj o izvršenom ispitivanju kao i upotrebnu dozvolu – atest o ispravnosti.

Član 6.

Način i uslovi plaćanja su: odgođeno plaćanje u roku od **60 dana od ispostavljanja fakture** na transakcijski račun Pružaoca usluga broj: 1610000110190071 kod Raiffeisen banke d.d. Osnov za plaćanje izvršene usluge je faktura koju će Pružalac usluga dostavljati Naručiocu usluga, a nakon što je ista ovjerena od strane ovlaštenih lica Naručioca usluga da je usluga obavljena.

Član 7.

Pružalac usluga ima pravo na produženje ugovornog roka u slučaju više sile. Rok za izvršenje usluga produžit će se za onoliko dana koliko je trajala smetnja. Pružalac usluga je dužan podnijeti zahtjev za produženje roka Naručiocu usluga u roku od **3 dana** po nastanku razloga za produženje roka. Produženje roka utvrđuje Naručilac usluga u pisanoj formi i to u roku od **5 dana** po pisanom zahtjevu Pružaoca usluga.

Član 8.

U slučaju kašnjenja u pružanju usluga, do kojeg je došlo krivicom pružaoca usluga, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti koja je predmet narudžbe. Pružalac usluge je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca usluga.

Član 9.

Pružalac usluga se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Naručioca usluga.

Član 10

Pružalac usluga nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

Član 12.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

Član 13.

Naručilac usluga može pisanim obavještenjem poslatom Pružaocu usluga, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Pružalac usluga propusti da izvrši predmetnu uslugu u vremenskom periodu određenom u ugovoru;
- ukoliko Pružalac usluga propusti da izvrši sve druge obaveze prema ugovoru koje bitno mogu djelovati na rad Naručioca usluga i ukoliko odstupi od postavljenih tenderskih uslova i prihvaćene ponude.
- ukoliko Pružalac usluga bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Pružalac usluga ima prema Naručiocu usluga.

Pružalac usluga, može pismenim putem raskinuti ovaj ugovor, u slučaju da Naručilac usluga ne ispunji obavezu plaćanja, kako je definisano u članu 6. ovog ugovora.

Član 14.

Ovaj ugovor stupa na snagu kada ga potpišu obje ugovorne strane, a zaključuje se na period od **24 (dvadesetčetiri) mjeseca** od dana potpisivanja istog.

Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

- Tenderska dokumentacija br. KZ 79/19
- Usvojena ponuda br. P-19-06-7/19 od 19.06.2019. godine

Za Pružaoca usluga:

Direktor


Maja Pločo, dr.sc.
d.o.o. Sarajevo

Broj: 193-16-08-0003/4

Datum: 16. 08. 2019

Za Naručioca usluga:

v.d. Direktor



Enver Hadžiahmetović, dipl.ing.maš.

Broj: 452/19

Datum: 16. 8. 2019